



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Quibus Pasch[a]e tempore sacramentum hoc ministret.

urn:nbn:de:hbz:466:1-11399

crucis populo benedicat.

Oratio præcedens ita dicitur: ut illud nomen, [fratribus,] omittatur, quãdo sceminis solum communicatio ministratur: & veid contra, cum ministratur maribus tantum, omittitur illud, [sororibus,] Itidemq; singulari numero dicitur [fratri nostro,] si mari tantum; ac præterea, [sorori nostrã,] si sceminæ solum ministrabitur.

Antiphona, & psalmi dicendi pro oportunitate in frequenti communione, ut supra præscriptum est.

Antiphona. Dominus dabit.

Psalmus 84. Benedixisti Domine terram tuam. &c. vsque ad finem. Gloria patri &c.

Psalmus 22. Dominus regit me, & nihil mihi deerit. &c. vsque in finem. Gloria patri &c.

Psalmus 33. Benedicam Dominum in omni tempore. &c. vsque ad finem. Gloria Patri &c.

Antiphona. Dominus dabit benignitatem, & terra nostra dabit fructum suum.

Quæ Parocho seruanda sunt in paschali communione.

Paschæ tempore, præter ea quæ mox supra demonstrata sunt, hæc Parochus seruabit.

In paschali celebritate, ut nemo parochialium legitime ætatis, quemadmodum est sanctæ matris Ecclesiæ præceptum, omittat hoc sacramentum percipere in sua parochiali ecclesia; sepenu-mero Parochus in quadragesima populo promulgabit, atque adeo explanabit constitutionem illam, in Concilio Lateranensi ab Innocentio Tertio Pont. editam, cuius initium est: [Omnis vtriusque sexus.] Censuramq; in ea sancitam diligentissime proponet.

Quæ constitutio, ut perfecte seruetur, in quadragesima item per familias, ut Concilio Prouinciali cautum est, nomina eorum describet, qui per ætatè rationis vsu adepti, in pascha sacram communionem confessi sumere debent.

Hortabitur autem eos, ut qui in pascha sacram communionem sumere debent, ipso die

Paschæ Resurrectionis id præsentent.

Quo Paschæ tempore ipse, non alius sacerdos ministrabit, si verò frequentem populum habet, alium quoq; sacerdotem adhibeat tunc licet.

Quibus Paschæ tempore sacramentum hoc ministret.

Parochiæ suæ fidelibus in pascha ministrabit: alienæ autem parochiæ nullo modo, nisi ut infra. Proinde quod antiquis canonibus cautum est, ad populum conuersus anteaquam ministret de altari enunciabit; alienæ parochiæ fideles ad proprium Parochum remitti, à quo sacram communionem in paschali celebritate sumant.

Is etiam ministrabit, qui maiorem anni partem in parochia habitauerint: illis quoque, qui saltem sex menses.

Peregrinis item, & aduenis, in diœcesi: at Mediolani eos ad Metropolitanam ecclesiam, ubi communionem sumant, abire Parochus præmonebit.

Illis præterea, qui paucis ante diebus aduenerint, animo constituendi domicilij.

Et verò illis quoque, qui facultatem ab Archiepiscopo literis concessam habuerint.

Aegrotis etiam parochialibus, etiam si communionem sumpserint, in pascha quoque asseret, & ministrabit.

Qui parochiales paschæ tempore à parochia abfuerint, nisi se communionem sumpsisse testatum fecerint, in eos ad præscriptum Conciliorum prouincialium agat.

Qui autem præstituto paschæ tempore non communicauerint, eos ex præscripta formula ad altare altero ex diebus festis pascha proximè sequentibus monebit: & in cõtumacia perseverantes, ad Archiepiscopale forum deferet.

Formula monitionis.

Omnes, & singulos parochiæ nostræ fideles legitime ætatis, qui in pascha ex præcepto sanctæ matris Ecclesiæ sacram communionem sumere debent, qui nondum sumpserunt, hoc monemus; ut intra hanc hebdomadam, aut Dominica proxima sequenti confessi sumant: alio-

qui il-

Cap. 21.

Prou. 5. tit. que ad pen. sacra. pert. pag. 222.

qui illos, qui ad constitutam eam diem, vel ad sex dies post octavam pasche ad summum non prestiterint, ad Reuerendissimum Archiepiscopum deferemus; ut mox ingressu ecclesie, ecclesiasticaeque sepultura interdicti, intra Missarum solennia denuncientur, valuisque ecclesie parochialis nomina eorum affigantur. Atque hanc quidem vnicam monitionem pro tribus satis esse, vobis edicimus.

Quam quidem monitionem etiam vulgari sermone explicabit.

Habebit igitur Parochus librum communionis paschalis, in quo preter parochiales, aduenarum etiam communicantium nomina separatim notabit.

De exponenda sacra Eucharistia in oratione quadraginta horarum.

Coram sanctissima Eucharistia oratio quadraginta horarum in ecclesijs fiat, vbi Archiepiscopus statuerit; & quando id concesserit.

Ne quavis causa tamen Eucharistia palam, & aperte exponatur, sed publica tantum, eaque graui: alijs vero de causis orationem licebit instituire, sed non sacramento aperte exposito.

Exponatur ordinariè in altari maiori: sed in alio quoque, si ita Archiepiscopus censuerit.

Quod ut cum dignitate, decorè, religio sequè agatur, altaris, vel capelle, vbi palam exponetur, collocabitur, ornatus decens sit, ac religiosus.

Cerei preterea in altari accensi, ad summum decem, minimum vero sex, decem crassitudine, ac longitudine colluceant: lampades item ne plures quam duodecim, aut tredecim; nec vero pauciores quam tres: idque nisi Archiepiscopus ob causam permittat, ut maior luminum numerus aliquando adhibeatur.

Orationis initio, cum sanctissimum sacramentum palam proponendum est, primùm datis solenniter de more pridie illius diei vesperi, & iterum eo die paulò ante campanarum signis; presens adsit, cum sacerdos pluuiali rubro indutus, qui illud religiosè proponat; tum

illius ecclesie vbi oratio futura est, ante totius parochie, si ecclesia parochialis est, clerus superpelliceo vestitus, qui in hac functione illum adiuuet.

Si vero qui conuenerint clerici, vel parochie, vel ecclesie, pauciores sint quam sex; alij aliunde euocentur, ut ne eo numero pauciores adsint, hijs; cum luminibus accensis: tum homines itidem parochie, in cuius ecclesia sinibusve oratio exponitur, presertim sanctissimi sacramenti sodalitati adscripti.

Processio cum sanctissimo sacramento exponendo per ecclesiam agatur litanis, stansque antiphonis, precibus, & orationibus; tum cereis accensis, & umbella, idemque in eo reponendo seruetur.

Dum illud in altari propositum est, interdiu clerici duo superpelliceo induti, capite aperto ad altare semper assistant; quorum alter Diaconus saltem sit: noctu vero saltem vnus, isque in sacro ordine constitutus.

Ad altaris vero, cappellave, vbi proposito sanctissimo sacramento oratio fit, cancellos, affixe sint tabule precum, & orationum, que pro temporum calamitatibus; ratione; orantium vsue sancte matris Ecclesie instituto accommodata, eaque literis grandiusculis exscripta, loco perspicuo sint.

Ad excitanda preterea populi in statuta hac oratione versantis pietatem, hoc curetur, ut aliquando quo presertim tempore, quave hora frequens est fidelium ad eam concursus, sermo, isque breuis, ad pie meditationis studium inflammandum appositè habeatur.

Hoc orationis tempore, in ecclesia vbi illa celebratur, scemina à maribus separata, tabulato ad instructionum præscriptum interiecto, aut saltem alio intersepto adhibito orent.

Ne sumptus huius orationis causa ad eleemosinam excipiendam vas aliquod exponatur; aut alia ratione queratur; nisi quantum Archiepiscopi facultas dabit.

Ne noctu sceminis statuta hora ad orandum aditus in ecclesiam detur.

Quòd si noctu orantes deerunt, sanctissimum sacramentum in tabernaculo reponatur.

Si for-